

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik-

Broj: 07-2029/17

Datum, 28. 06. 2017. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Sužbeni glasnik općine Srebrenik“, broj: 7/16), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-2029/17 od 28.06.2017. godine, u postupku javne nabavke: Izrada Glavnog projekta revitalizacije šireg kompleksa Starog grada Srebrenika-II Faza, je d o n i o:

O D L U K U
O IZBORU NAJPOVOLJNIJEG PONUĐAČA

I

Prihvata se preporuka Komisije za javnu nabavku, broj: 07-2029/17 od 28.06.2017. godine i Ugovor za javnu nabavku: **Izrada Glavnog projekta revitalizacije šireg kompleksa Starog grada Srebrenika-II Faza**, dodjeljuje se ponuđaču **ECOPLAN DOO Mostar**, ponuda broj: II-298/17 od 26.06.2017. godine, za ponuđenu cijenu od **13.806,00 KM sa PDV-om** kao prihvatljivu.

II

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ź E N J E

Postupak javne nabavke pokrenut je Odlukom o pokretanju postupka javne nabavke broj: 07-2029/17 od 12.06.2017. godine.

Javna nabavka je sprovedena Konkurentskim zahtjevom za dostavu ponuda broj: 07-2029/17 od 12.06.2017. godine.

Procijenjena vrijednost javne nabavke bez PDV-a je 17.094,02 KM.

Obavještenje o nabavci broj: 761-7-2-70-3-37/17 poslato je na objavljivanje dana 13.06.2017. godine, a objavljeno je na Portalu javnih nabavki dana 13.06.2017. godine.

Komisija za javnu nabavku imenovana je Rješenjem broj: 07-2029/17 od 13.06.2017. godine.

Ponude po Konkurentskom zahtjevu za predmetnu nabavku su dostavili slijedeći ponuđači:

1. ARHI PLUS DOO Mostar, u iznosu od 15.400,00 KM bez PDV-a, i sa ponuđenim popustom od 10% (1.540,00 KM), tako da ukupna ponuda iznosi 13.860,00 KM bez PDV-a.
2. STUDIO URBING DOO Sarajevo, u ukupnom iznosu od 16.100,00 KM bez PDV-a, i
3. ECOPLAN DOO Mostar, u ukupnom iznosu od 11.800,00 KM bez PDV-a.

U prvom dijelu rada Komisije, konstatovano je da su, blagovremeno, pristigle tri pravilno zatvorene ponude. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljenih ponuda, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponude ponuđača **ARHI PLUS DOO Mostar**, Komisija je konstatovala da je ista potpuna tj, da su dostavljeni svi dokazi i da svi zadovoljavaju zahtijevane kvalifikacione uslove, te je ista prihvatljiva za dalje razmatranje.

Pregledanjem ponude ponuđača **STUDIO URBING DOO Sarajevo**, Komisija je konstatovala da ista nije potpuna iz razloga što je Ponuđač u svojoj ponudi, na strani 7 iste, dostavio izjavu po članu 52. ZJN, potpisanu i ovjerenu od strane ponuđača, a koja nije ovjerena od strane nadležnog organa kako je to propisano u tački 1.5. Konkurentskog zahtjeva br. 07-2029/17 od 12. 06. 2017. godine, i predmetne izjave koja je u prilogu Konkurentskog zahtjeva.

Nadalje, ponuđač je u ponudi (strana 8, 9, i 10) dostavio Rješenje o izmjenama podataka broj: 065-0-Reg-14-001858 od 18.06.2014. godine, a ne Aktuelni izvod iz sudskog registra kako je to propisano i traženo u tački 2. Konkurentskog zahtjeva.

Iz gore navedenih razloga, a u skladu sa članom 68. stav (4) t. i) Zakona o javnim nabavkama BiH odbacuje se ponuda ponuđača **STUDIO URBING DOO Sarajevo** kao neprihvatljiva.

Pregledanjem ponude ponuđača **ECOPLAN DOO Mostar**, Komisija je konstatovala da je ista potpuna tj, da su dostavljeni svi dokazi i da svi zadovoljavaju zahtijevane kvalifikacione uslove, te je ista prihvatljiva za dalje razmatranje.

Ponuđač **ECOPLAN DOO Mostar** je u svojoj ponudi (strana 18) dostavio i ovlaštenje za obavljanje poslova za projektiranje iz oblasti zaštite, konzervacije i rehabilitacije nacionalnih spomenika izdato od strane Federalnog ministarstva prostornog uređenja, tako da isto nije obavezan ponovno dostavljati prilikom potpisivanja ugovora.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz konkurentskog zahtjeva.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i konkurentskim zahtjevom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

POUKA O PRAVNOM LIJEKU:


Protiv ove odluke može se izjaviti žalba u roku od 5 (pet) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 3x,
2. Evidenciji,
3. Arhivi.



OPĆINSKI NAČELNIK

Dr. sci. Nihad Omerović